



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Svmmma Totivs Theologiæ S. Thomæ Aqvinatis, Doctoris Angelici Ordinis Prædicatorum**

Svpplementvm Tertiæ Partis

**Thomas <von Aquin, Heiliger>**

**Romæ, 1619**

Vtrum conuenienter determinantur istæ partes vngendæ? 6

**urn:nbn:de:hbz:466:1-38817**

Ad primum ergo dicendum, quòd anima quamvis sit tota in qualibet parte corporis, quantum ad essentiam, non tamen quantum ad potentias, quæ sunt radices actuum peccati. Et ideo oportet, quòd in determinatis partibus fiat, in quibus illæ potentie habent esse.

Ad secundum dicendum, quòd non semper apponitur medicina ubi est morbus: sed congruentius, ubi est radix morbi.

Ad tertium dicendum, quòd baptisimus fit per modum ablutionis. Ablutio autem corporalis non purgat maculam \* ab aliqua parte, nisi cui apponitur. Et ideo baptisimus toti corpori adhibetur: secus autem est de extrema unctione, ratione iam dicta †.

## ARTIC. VI.

*\* alias, in. † in co. huius ar. resp. ad 1. et 2* **V**trum conuenienter determinentur partes ungentis.

131

**A**D sextum sic proceditur. Videtur, quòd non conuenienter determinentur istæ partes, ut scilicet infirmus inungatur in oculis, in naribus, auribus, labijs, manibus, & pedibus. Quia sapiens medicus curat morbum in radice. Sed de corde exeunt cogitationes quæ coinquinant hominem: ut dicitur Matt. 15. Ergo in pectore debet fieri inunctio.

¶ 2 Præterea, Puritas mentis non minus est necessaria exeuntibus, quàm intrantibus. Sed intrantibus ungentur chrismate in vertice à sacerdote, ad significandum mentis puritatem. Ergo & exeuntibus, hoc sacramento ungi debent in vertice.

¶ 3 Præterea, Ibi debet adhiberi remedium, ubi est maior vis morbi. Sed spiritualis morbus præcipue viget in viris, in renibus; & in mulieribus, in vmbilico, ut dicitur Iob. 40. Fortitudo eius in lumbis eius, &c. secundum expositionem Greg. †. Ergo ibi debet fieri inunctio.

*li. 32. Mo  
ca. 11.*

¶ 4 Præterea, Sicut per pedes peccatur, ita & per alia membra corporis. Ergo sicut inunguntur pedes, ita & alia corporis membra inungi debent.

**R**ESPONDEO dicendum, quòd principia peccati



di in nobis sunt eadem, quæ & principia agendi: quia peccatum consistit in actu. Principia autem agendi in nobis sunt tria. Primum est, dirigens, scilicet vis cognoscitiva. Secundum est, imperans, scilicet vis appetitiva. Tertium est exequens, scilicet vis motiva. Omnis autem nostra cognitio a sensu ortum habet: & quia ubi est in nobis prima origo peccati, ibi debet vñtio adhiberi; ideò inunguntur loca quinque sensuum; scilicet oculi, propter visum; aures, propter auditum; nares, propter odoratum; os, propter gustum; manus, propter tactum, qui in pulpis digitorum præcipue viget; & propter appetitivam inunguntur aliquibus renes. Pedes autem inunguntur propter motivam, qui sunt principalis eius instrumentum. Et quia primum principium operationis humanæ est cognoscitiva; ideò illa vñtio ab omnibus observatur, quæ fit ad quinque sensus, quasi de necessitate sacramenti: sed quidam non servunt alias, quidam vero illam servunt, quæ fit ad pedes, & non quæ ad renes: quia appetitiva & motiva sunt secundaria principia.

Ad primum ergo dicendum, quòd cogitatio a corde non exit nisi per aliquam imaginationem, quæ est motus à sensu factus, ut dicitur in 2. de anima. Et ideò cor non est prima radix cogitationis, sed organa sensuum, nisi quatenus cor est principium totius corporis: sed hoc principium est radix remota.

Ad secundum dicendum, quòd intrantes debent acquirere puritatem mentis, sed exeuntes debent eam purgare. & ideò exeuntes debent inungi in illis partibus, quibus contingit puritatem mentis inquinari.

Ad tertium dicendum, quòd secundum quorundam consuetudinem fit in renibus, propter hoc quòd ibi maxime viget concupiscibilis: sed appetitiva non est prima radix, ut dictum est.

Ad quartum dicendum, quòd organa corporis quibus actus peccati exercentur, sunt pedes, manus, & lingua, quibus etiam exhibetur vñtio; & membra Supplementum.

S geni-

*alias, medicina.*

*Conc. Florent sup. unione Iacobinorum & Armeniorum in doctrina de sacram.*

*lib. 2. c. 160.*

*in corp. art.*